



Pou Piblikasyon Imedya: 09/11/2020

GOUVÈNÈ ANDREW M. CUOMO

GOUVÈNÈ CUOMO ANONSE SISPANSYON IJANS LISANS ALKÒL NORTH FORK COUNTRY CLUB APRE MARYAJ 'SIPÈ-PWOPAGATÈ' A

North Fork Country Club te òganize yon maryaj nan dat 17 oktòb avèk 113 envite - de fwa plis limit legal ki otorize pou evènman pandan pandemi an - sa ki te mennen nan plis pase 30 enfeksyon COVID-19

Envestigasyon Depatman Sante Konte Suffolk te reyalize a te lakòz Otorite Alkòl Eta a sispann lisans alkòl Country Club la

Gouvènè Andrew M. Cuomo te anonse jodi a Eta New York te sispann somèman lisans alkòl pou North Fork Country Club nan Long Island apre yon maryaj nan lokal la mwa pase a ki te vyole restriksyon sou rasanbleman ki gen rapò ak pandemi an epi te tounen yon evènman sipè-pwopagatè. Maryaj la te resevwa 113 envite - plis pase de fwa kantite ki otorize nan kad Dekrè Egzekitif Gouvènè a - epi te mennen nan omwen 34 enfeksyon COVID-19. Akòz sa a, 159 moun te nan karantèn epi plizyè lekòl te fèmen tanporèman pou aprantisaj an pèsòn.

"Jan nou te wè sa nan maryaj yo ak evènman ki parèy nan peyi a pandan pandemi sa a, gwo rasanbleman kapab fasilman se evènman ki sipè-pwopagatè, twò souvan avèk konsekans grav. Òganize youn nan evènman sa yo apre tout sa New York fin pase se yon zak detestab ak irresponsab - san nou pa mansyone ilegal", **Gouvènè Cuomo te deklare.** "Nou gen uit mwa nan pandemi sa a epi sèlman p ap tolere biznis k ap mete Nouyòkè yo andanje. Sila yo ki kontinye inyore règ yo pral pèdi kapasite pou sèvi alkòl, epi mwen remèsyé Egzekitif Konte Suffolk la, Steve Bellone ak ekip li a pou kolaborasyon yo nan kenbe move aktè sa yo responsab."

Dapre Depatman Sante Konte Suffolk la, North Fork Country Club, ki sitiye nan Cutchogue nan Long Island, te òganize yon maryaj nan dat 17 oktòb kote 113 moun te patisipe, ki te vyole byen klè limit 50 moun eta a pou rasanbleman ki pa esansyèl yo epi te ogmante anpil risk pou transmisyon COVID-19 la.

Malerezman, evènman an te tounen yon evènman sipè-pwopagatè, epi omwen 34 moun te evantyèlman teste pozitif pou COVID-19 - ki gen ladan 30 envite, twa manm pèsonèl country club la, ak yon founisè maryaj. Anplis de sa, repèkisyon evènman an te kreye enpak global sou kominote ozalantou a, kote 159 moun ki te potansyèlman ekspoze gen pou rete an karantèn ak plizyè lekòl te sispann tanporèman pou aprantisaj an pèsòn.

Apre nou te fin fè yon envestigasyon, Depatman Sate Konte Suffolk la te fè yon rekòmandasyon bay Otorite Alkòl Eta New York la. Nan dat 6 novanm, SLA a te chaje North Fork Country Club ke yo pa te respekte pandan plizyè fwa Dekrè Egzekitif Gouvènè Cuomo a konsènan restriksyon COVID-19 la epi pa te egzèse ase sipèvizon nan etablisman yo a. SLA te pibliye tou yon sispanson somè sou lisans alkòl etablisman an, sa ki anpeche yo sèvi alkòl pandan yo anba vyolasyon disiplinè yo. SLA te pibliye tou sispanson somè a akòz konsèy la te jwenn aksyon dijans yo te nesesè pou pwoteje sante, sekirite ak byennèt piblik la.

Chèf Egzekitif Konte Suffolk la, Steve Bellone te deklare, "Kalite mepri flagran sa a pou byennèt lòt yo pa sèlman desevan anpil, men li p ap tolere. Konte Suffolk te pran aksyon rapid pou kontni pwopagasyon kominotè maryaj sa a te ka lakòz, epi mwen felisite Gouvènè Cuomo dèské li te pran aksyon apwopriye. Si ou vyole règ yo, y ap kenbe ou epi w ap pote responsabilite a".

Vincent Bradley, Prezidan SLA a, te deklare, "Pou kounye a, tout moun ki gen lisans ta dwe byen konsyan de pwotokòl ki anplas yo pou sispann pwopagasyon an epi ta dwe konnen ke yon evènman konsa pa akseptab. Nou toujou nan mitan yon kriz sante piblik, epi SLA pral kontinye kenbe kòm resposnab sila yo ki inyore règ pou sove lavi sa yo".

Se Prezidan SLA Vincent Bradley, Komisè Lily Fan ak Komisè Greeley Ford ki te òdone sispanson somè etablisman an nan yon reyinyon espesyal Tout Konsèy la, ki te reyalize atravè apèl konferans video ki te anrejistre digitalman dapre direktiv sou distans sosyal 6 novanm yo. Lè SLA sispann somèman yon lisans, aksyon an sèvi tou tankou yon "Avi Kontestasyon", ki afime youn oswa plizyè vyolasyon disiplinè. Desizyon SLA a pou sispann somèman yon lisans pa yon desizyon final sou merit dosye a epi moun ki gen lisans lan gen dwa pou jwenn yon odyans administratif akselere anvan yon Jij Administratif endepandan. Yon òdonans sispanson somè rete anvigè jiskaske SLA oswa yon Tribunal revizyon modifie li.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)